

**Gassileriviit, gassinut atortut aamma akuersissuteqarnissamut piumasaqaatit pillugit  
Inatsisartut inatsisaat xx, yy 2015-imersoq.**

(Avatangiisinut, Pinngortitamut Inatsisinillu Atuutsitsinermit Naalakkersuisoq)

**Siullermeerneqarnera**

Inatsisissatut siunnersuut Partii Naleqqamiit imannak oqaaseqarfigissuarput.

Gassimik atuiffiit, gassinut atortut aamma akuersissuteqarnissamut, minnerunngitsumillu isumannaallisaanermut nakkutilliinermullu tunngasut inatsiseqarnikkut pitsaasumik tunngavissinneqarnissaat Partii Naleqqamiit tamakkiisumik taperserparput.

Siunnersuutip saqqummiunneqarnerani paasinarsivoq gassimik atuineq atortutigullu isumannaallisaanermut tunngasutt GTO-qarallarnertali kingorna annerusumik isumagineqarsimanngitsut.

Aamma Partii Naleqqamiit uparuartariaqarsoraarput Sulisitsisut Peqatigiiffiata 2001-imili suliamut uunga tunngatillugu, taamanikkut Ineqarnermut Attaveqarnermullu Pisortaqaarfimmut saaffiginnissutigisimasaa aatsaat ukiut 14-it qaangiutilillartullu Inatsisartunut anngunneqarmat, naak gassimik suliaqarneq pillugu GTO-p atorunnaarneratali kingorna pisariaqartinneqarluni atuutiinnaraluartoq.

Kisianni tassa Partii Naleqqamiit assut iluarisimaarparput, kiisami tassa inatsiseqarnikkut gas-imik atuineq atortulersuutit pillugit, minnerunngitsumillu isumannaallisaaneq pillugu ullutsinnut naleqquttumik inatsiseqalertussanngoratta, tassami GTO-qarallarnertali nalaani maleruagassat 1985-imeersuupput, naallu tamatuma kingorna nakkutilliineq Nukissiorfinniit isumagineqalersimagaluartoq akuersissuteqarluni allagartaliisarnermut aaqqissuussineq atuutsinneqalersimanngilaq.

Inatsisissatut siunnersuut umiarsuarni qamutiniq assakaasulinnik ingerlatsinermit imaluunniit gassi atorlugu kiassarnermut atuutissanngitsoq siunnersuutaavoq.

Taamaammat Partii Naleqqamiit soqutigalugu paaserusupparput imaani angallaterpassuarni aalisariutini allanilu gassi atugaasorujussuummat, taakkunani isumannaallisaaneq eqqarsaatigalugu immikkut taakku pillugit maleruagassaqaqarnersoq?

Kapitali 8-mi pineqaatissiisarnissamut tunngatillugu aamma kukkusumik iliuuseqarsinnaaneq pinngitsoorumallugu unioqutitsinernut annikinnerusunut allaffissornikkut pillaammik akiliisussannortitsinermik aaliangiisarnissat periarfissinneqartussaapput. Tassunga tunngasut Partii Naleqqamiit itinerusumik nassuiaasoqarnissaa kissaatigaarput.

Taamatut Partii Naleraq sinnerlugu oqaaseqarlunga suliap aappassanneeraneqannginnerani ataatsimiititaliami susassaqtumi suliarineqarnissaa inassutigaa.

Anthon Frederiksen